

de manè consurgens & loquens, & non obedistis mihi.

15. Misique ad vos omnes servos meos prophetas, consurgens diluculò, mittensque & dicens: * Convertimini unusquisque à via sua pessima, & bona facite studia vestra: & nolite sequi deos alienos, neque colatis eos: & habitabitis in terra, quam dedi vobis & patribus vestris: & non inclinastis aurem vestram, neque audistis me.

16. Firmaverunt igitur filii Ionadab filij Rechab præceptum patris sui, quod præceperat eis: populus autem iste non obdivit mihi.

17. Idcirco hæc dicit Dominus exercituum, Deus Israël: Ecce ego adducam super Iuda, & super omnes habitatores Ierusalem universam afflictionem, quam locutus sum adversum illos, eò quòd locutus sum ad illos, & non audierunt: vocavi illos, & non responderunt mihi.

18. Domui autem Rechabitarum dixit Ieremias: Hæc dicit Dominus exercituum Deus Israël: Pro eo quòd obedistis præcepto Ionadab patris vestri, & custodistis omnia mandata eius, & fecistis universa, quæ præcepit vobis:

19. Propterea hæc dicit Dominus exercituum Deus Israël: Non deficiet vir de stirpe Ionadab filij Rechab, stans in conspectu meo cunctis diebus.

CAPUT XXXVI.

Iussu Domini mittit Ieremias inclusus carcere per Baruch librum comminationum, quem legat coram omni populo ut respiciant: porrò rex Ioakim ipsum igni consumit, iubens Ieremiam & Baruch comprehendendi, qui absconditi erant: Ieremias autem iussu Domini iubet Baruch alium scribere, & Ioakim ac semen eius unà cum Ierusalem prædicat perdendos.

* Ann. M. 3398.
Ant. Chr. 606.
1. **E**T factum est in anno quarto factum est verbum hoc ad Ieremiam à Domino, dicens:

2. Tolle volumē libri, & scribes in eo omnia verba, quæ locutus sum tibi adversum Israël & Iudam, & adversum omnes gentes: à die, qua locutus sum ad te ex diebus Iosæ usque ad diem hanc:

3. Si forte audiente domo Iuda universa mala, quæ ego cogito facere eis, revertatur unusquisque à via sua pessima: &

propitius ero iniquitati, & peccato eorum.

4. Vocavit ergo Ieremias Baruch filium Neræ: & scripsit Baruch ex ore Ieremiæ omnes sermones Domini, quos locutus est ad eum in volumine libri:

5. & præcepit Ieremias Baruch, dicens: Ego clausus sum, nec valeo ingredi domum Domini.

6. Ingredere ergo tu, & lege de volumine, in quo scripsisti ex ore meo verba Domini audiente populo in domo Domini in die ieiunij (a): insuper & audiente universo Iuda, qui veniunt de civitatibus suis, leges eis:

7. Si fortè cadat oratio eorum in conspectu Domini, & revertatur unusquisque à via sua pessima: quoniam magnus furor & indignatio est, quam locutus est Dominus adversum populum hunc.

8. Et fecit Baruch filius Neræ iuxta omnia, quæ præceperat ei Ieremias propheta, legens ex volumine sermones Domini in domo Domini.

9. Factum est autem in anno quinto Ioakim filij Iosæ regis Iuda, in mense nono (c): prædicaverunt ieiunium (d) in conspectu Domini omni populo in Ierusalem, & universæ multitudini, quæ confluerat de civitatibus Iuda in Ierusalem.

10. Legitque Baruch ex volumine sermones Ieremiæ in domo Domini in gazophylacio Gamariæ filij Saphan scribæ, in vestibulo superiori, in introitu portæ novæ domus Domini audiente omni populo.

11. Cùmque audisset Michæas filius Gamariæ filij Saphan omnes sermones Domini ex libro:

12. descendit in domum regis ad gazophylacium scribæ: & ecce ibi omnes principes sedebant: Elisama scriba, & Dalaias filius Semeiæ, & Elnathan filius Achobor, & Gamarias filius Saphan, & Sedecias filius Hananiæ, & universi principes.

13. Et nunciavit eis Michæas omnia verba, quæ audivit legente Baruch ex volumine in auribus populi.

14. Miserunt itaque omnes principes ad Baruch, Iudi filium Nathaniæ filij Selimiæ, filij Chusi, dicentes: Volumē, ex quo legisti audiente populo, sume in manu tua, & veni. Tulit ergo Baruch filius Neræ volumē in manu sua, & venit ad eos.

15. Et dixerunt ad eum: Sede, & lege hæc in auribus nostris: Et legit Baruch in auribus eorum.

16. Igitur cùm audissent omnia verba, obstupuerunt unusquisque ad proximum suum,

(a) Solemnis illius, videlicet Mensis 7. die 10. quotannis celebrati (Lev. 16. 29. & 23. 27. Num. 29. 7.) quinque diebus ante festum tabernaculorum.

(b) Ann. M. 3399. Ant. Chr. 605.

(c) Qui Casleu dicitur, & ex parte Decembri nostro respondet.

(d) in memoriam, ut videtur, urbis eodem superioris anni mensis à Chaldeis captæ.

suum, & dixerunt ad Baruch: Nunciare debemus regi omnes sermones istos.

17. Et interrogaverunt eum, dicentes: Indica nobis quomodo scripsisti omnes sermones istos ex ore eius.

18. Dixit autem eis Baruch: Ex ore suo loquebatur quasi legens ad me omnes sermones istos: & ego scribebam in volumine atramento.

19. Et dixerunt principes ad Baruch: Vade, & abscondere tu & Ieremias, & nemo sciat ubi sitis.

20. Et ingressi sunt ad regem in atrium: porro volumē commendaverunt in gazophylacio Elisamæ scribæ: & nunciaverunt audiente rege omnes sermones.

21. Misitque rex Iudi ut fumeret volumē: qui tollens illud de gazophylacio Elisamæ scribæ, legit audiente rege, & universis principibus, qui stabant circa regem.

22. Rex autem sedebat in domo hiemali in mense nono: & posita erat arula coram eo plena prunis.

23. Cùmque legisset Iudi tres pagellas vel quatuor, scidit illud scalpello scribæ, & proiecit in ignem, qui erat super arulam donec consumeretur omne volumē igni, qui erat in arula. *

* In cuius horridi facti detestationem Iudæi ad hunc usque diem ieiunium die 7. mensis huius noni sive Chasleu observant.

24. Et non timuerunt, neque sciderunt vestimenta sua rex, & omnes servi eius, qui audierunt universos sermones istos.

25. Verumtamen Elnathan, & Dalaias, & Gamarias contradixerunt regi ne combureret librum: & non audivit eos.

26. Et præcepit rex Ieremiel filio Amelch, & Saraiæ filio Ezriel, & Selimiæ filio Abdeel ut comprehenderent Baruch scribam, & Ieremiam prophetam: abscondit autem eos Dominus.

27. Et factum est verbum Domini ad Ieremiam prophetam, postquam combusserat rex volumē & sermones, quos scripserat Baruch ex ore Ieremiæ, dicens: 28. Rursum tolle volumē aliud: & scribe in eo omnes sermones priores, qui erant in primo volumine, quod combussit Ioakim rex Iuda.

29. Et ad Ioakim regem Iuda, dices: Hæc dicit Dominus: Tu combussisti volumē illud, dicens: Quare scripsisti in eo annuncians: Festinus venit rex Babylonis, & vastabit terram hanc, & cessare faciet ex illa hominem, & iumentum?

30. Propterea hæc dicit Dominus contra

Ioakim regem Iuda: Non erit ex eo qui sedeat super solium David: & cadaver eius projicietur ad æstum per diem, & ad gelu per noctem.

31. Et visitabo contra eum, & contra semen eius, & contra servos eius iniquitates suas, & adducam super eos & super habitatores Ierusalem, & super viros Iuda omne malum, quod locutus sum ad eos, & non audierunt.

32. Ieremias autem tulit volumē aliud, & dedit illud Baruch filio Neræ scribæ: qui scripsit in eo ex ore Ieremiæ omnes sermones libri, quem combusserat Ioakim rex Iuda igni: & insuper additi sunt sermones multò plures, quàm antea fuerant.

CAPUT XXXVII.

Sedecias Iechonia succedens petit pro se orare Ieremiam; qui, relicta à Chaldeis Ierusalem propter adventum exercitus Pharaonis, prophetat Chaldaeos redituros, & Ierusalem exusturos: ipse quoque Ieremias urbem egrediens, casus in carcerem detruditur; unde à Sedecia eductus, servatur in vestibulo carceris, assignatà ipsi in dies tortâ panis.

1. **E**T regnavit rex Sedecias * filius * 4. Reg. Iosæ pro Iechonia filio Ioakim: quem constituit regem Nabuchodonosor rex Babylonis in Terra Iuda: 24. 17. Infr. 52. 1.

2. Et non obedit * ipse, & servi eius, * 2. Paral. & populus terræ verbis Domini, quæ locutus est in manu Ieremiæ prophetæ. 36. 15.

3. Et misit * rex Sedecias Iuchal filium Selimiæ, & Sophoniam filium Maasiæ sacerdotem ad Ieremiam prophetam, dicens: Ora pro nobis Dominum Deum nostrum. * Ann. M. 3414. Ant. Chr. 590.

4. Ieremias autem liberè ambulabat * in medio populi: non enim miserant eum in custodia obfidione propter adventum exercitus Pharaonis Hophra sive Vaphris. * sc. iam soluta obfidione propter adventum exercitus Pharaonis Hophra sive Vaphris.

5. Et factum est verbum Domini ad Ieremiam prophetam, dicens:

6. Hæc dicit Dominus Deus Israël: Sic dicetis regi Iuda, qui misit vos ad me interrogandum: Ecce exercitus Pharaonis, qui egressus est vobis in auxilium, revertetur in terram suam in Ægyptum.

7. & redient Chaldæi, & bellabunt contra

tra civitatem hanc : & capient eam , & succendent eam igni.

8. Hæc dicit Dominus : Nolite decipere animas vestras , dicentes : Euntes abibunt , & recedent à nobis Chaldæi , quia non abibunt.

9. Sed & si percusseritis omnem exercitum Chaldæorum , qui præliantur adversum vos , & derelicti fuerint ex eis aliqui vulnerati : singuli de tentorio suo confluent , & incendunt civitatem hanc igni.

10. Ergo cum recessisset exercitus Chaldæorum ab Ierusalem propter exercitum Pharaonis ,

11. egressus est Ieremias de Ierusalem ut iret in Terram Benjamin , & divideret ibi possessionem in conspectu civium.

12. Cumque pervenisset ad portam Benjamin , erat ibi custos portæ per vices , nomine Ierias , filius Selemiæ filij Hananiæ , & apprehendit Ieremiam prophetam , dicens : Ad Chaldæos profugis.

13. Et respondit Ieremias : Falsum est , non fugio ad Chaldæos . Et non audivit eum : sed comprehendit Ierias Ieremiam , & adduxit eum ad principes .

14. Quam ob rem irati principes contra Ieremiam , cæsum eum miserunt in carcerem , qui erat in domo Ionathan scribæ : ipse enim præpositus erat super carcerem .

15. Itaque ingressus est Ieremias in domum laci & in ergastulum : & sedit ibi Ieremias diebus multis .

16. Mittens autem Sedecias rex tulit eum : & interrogavit eum in domo sua absconditè , & dixit : Putasne est sermo à Domino ? Et dixit Ieremias : Est * . Et ait : In manus regis Babylonis tradèris .

17. Et dixit Ieremias ad regem Sedeciam : Quid peccavi tibi , & servis tuis , & populo tuo , quia misisti me in domum carceris ?

18. Ubi sunt prophetae vestri , qui prophetabant vobis , & dicebant : Non veniet rex Babylonis super vos , & super terram hanc ?

19. Nunc ergo audi obsecro domine mi rex : Valeat deprecatio mea in conspectu tuo : & ne me remittas in domum Ionathan scribæ , ne moriar ibi .

20. Præcepit ergo rex Sedecias ut traderetur Ieremias in vestibulo carceris : & daretur ei torta panis quotidie , excepto pulmento , donec consumerentur omnes panes de civitate : & mansit Ieremias in vestibulo carceris .

* Fugato enim exercitu Pharaonis , Ierusalem obsidionem redintegravit Nabuchodonosor circa 15. diem mensis 3. diebus videlicet 390. ante captam urbem , ut ex typo Ezech. 4. 6. intelligere possumus . Quò etiam referenda sunt ea , quæ c. 21. dicuntur .

CAPUT XXXVIII.

Ieremias principibus à rege traditus , mittitur in lacum lutosum ; unde iussu regis per Abdemelech eductus in vestibulum carceris , suadet regi ut egrediatur ad Chaldæos , alioqui nec ipse eos effugiet , & civitas ab eis igne succendetur : iubet quoque rex Ieremiam ut hoc colloquium servet secretum .

1. **A**Udivit autem Saphatias filius Maathan , & Gedelias filius Phassur , & Iuchal filius Selemiæ , & Phassur filius Melchiæ , sermones , quos Ieremias loquebatur ad omnem populum , dicens :

2. Hæc dicit Dominus : * Quicumque manserit in civitate hac , morietur gladio , & fame , & peste : qui autem profugerit ad Chaldæos , vivet , & erit anima eius sospes & vivens .

3. Hæc dicit Dominus : Tradendo tradetur civitas hæc in manu exercitûs regis Babylonis , & capiet eam .

4. Et dixerunt principes regi : Rogamus ut occidatur homo iste : de industria enim dissolvit manus virorum bellantium , qui remanserunt in civitate hac , & manus universi populi , loquens ad eos iuxta verba hæc : siquidem homo iste non quærit pacem populo huic , sed malum .

5. Et dixit rex Sedecias : Ecce ipse in manibus vestris est : nec enim fas est regem vobis quidquam negare .

6. Tulerunt ergo Ieremiam , & proiecerunt eum in lacum Melchiæ filij Amelech , qui erat in vestibulo carceris : & submiserunt Ieremiam funibus in lacum , in quo non erat aqua , sed lutum : descendit itaque Ieremias in cœnum .

7. Audivit autem Abdemelech Æthiops vir eunuchus , qui erat in domo regis quòd misissent Ieremiam in lacum : porro rex sedebat in porta Benjamin .

8. Et egressus est Abdemelech de domo regis , & locutus est ad regem , dicens :

9. Domine mi rex , malefecerunt viri isti omnia quæcumque perpetrarunt contra Ieremiam prophetam , mittentes eum in lacum ut moriatur ibi fame , non sunt enim panes ultra in civitate .

10. Præcepit itaque rex Abdemelech Æthiopi , dicens : Tolle tecum hinc triginta viros , & leva Ieremiam prophetam de lacu antequam moriatur .

11. Assumptis ergo Abdemelech fecum viris , ingressus est domum regis quæ erat sub

Anno M. 3415. Ant. Chr. 589.

* Supr. 21. 9.

sub cellario : & tulit inde veteres pannos & antiqua , quæ computruerant , & submisit ea ad Ieremiam in lacum per funiculos .

12. Dixitque Abdemelech Æthiops ad Ieremiam : Pone veteres pannos , & hæc scissa & putrida sub cubito manuum tuarum : & super funes : fecit ergo Ieremias sic :

13. Et extraxerunt Ieremiam funibus , & eduxerunt eum de lacu : mansit autem Ieremias in vestibulo carceris .

14. Et misit rex Sedecias , & tulit ad se Ieremiam prophetam ad ostium tertium , quod erat in domo Domini : & dixit rex ad Ieremiam : Interrogo ego te sermonem , ne abscondas à me aliquid .

15. Dixit autem Ieremias ad Sedeciam : Si annunciaro tibi , numquid non interficies me ? & si consilium dederò tibi , non me audies .

16. Iuravit ergo rex Sedecias Ieremiæ clam , dicens : Vivit Dominus , qui fecit nobis animam hanc , si occidero te , & si tradidero te in manus virorum istorum , qui quærunt animam tuam .

17. Et dixit Ieremias ad Sedeciam : Hæc dicit Dominus exercituum Deus Israël : Si profectus exieris ad principes regis Babylonis , vivet anima tua , & civitas hæc non succendetur igni : & salvus eris tu , & domus tua .

18. Si autem non exieris ad principes regis Babylonis , tradetur civitas hæc in manus Chaldæorum , & succendent eam igni : & tu non effugies de manu eorum .

19. Et dixit rex Sedecias ad Ieremiam : Sollicitus sum propter Iudæos , qui transfugerunt ad Chaldæos : ne forte tradar in manus eorum , & illudant mihi .

20. Respondit autem Ieremias : Non te tradent , audi quæso vocem Domini , quam ego loquor ad te , & bene tibi erit , & vivet anima tua .

21. Quòd si nolueris egredi : iste est sermo , quem ostendit mihi Dominus :

22. Ecce omnes mulieres , quæ remanserunt in domo regis Iudæ , educuntur ad principes regis Babylonis : & ipsæ dicent : Seduxerunt te , & prævaluerunt adversum te viri pacifici tui , demerserunt in cœno , & in lúbrico pedes tuos , & recesserunt à te .

23. Et omnes uxores tuæ , & filii tui educuntur ad Chaldæos : & non effugies manus eorum , sed in manu regis Babylonis capieris : & civitatem hanc comburet igni .

24. Dixit ergo Sedecias ad Ieremiam : Nullus sciat verba hæc , & non morieris .

25. Si autem audierint principes quia locutus sum tecum , & venerint ad te , & dixerint tibi : Indica nobis quid locutus sis cum rege , ne celes nos , & non te interficiemus : & quid locutus est tecum rex :

26. Dices ad eos : Prostravi ego preces meas coram rege , ne me redúci iubéret in domum Ionathan , & ibi morerer .

27. Venerunt ergo omnes principes ad Ieremiam , & interrogaverunt eum : & locutus est eis iuxta omnia verba , quæ præceperat ei rex , & cessaverunt ab eo : nihil enim fuerat auditum .

28. Mansit vero Ieremias in vestibulo carceris usque ad diem , quo capta est Ierusalem : & factum est ut caperetur Ierusalem .

CAPUT XXXIX.

Ierusalem à rege Babylonis captâ , rex Sedecias fugiens capitur unâ cum principibus ; cuius filii in conspectu ipsius trucidantur cum nobilibus , ipseque exoculatur , ac vinculus in Babylonem ducitur : subverso autem muro Ierusalem , & palatio aliisque domibus igne succensis , pars vulgi transfertur in Babylonem , & pars Ierosolymis relinquitur ; Ieremias verò de carceris vestibulo liber educitur .

1. **A**NNO nono * Sedeciæ regis Iudæ , mense decimo † , venit Nabuchodonosor rex Babylonis , & omnis exercitus eius ad Ierusalem , & obsidebant eam .

2. Undecimo autem anno Sedeciæ * , mense quarto , quintâ mensis aperta est civitas .

3. Et ingressi sunt omnes principes regis Babylonis , & federunt in porta media : Neregel , Serefer , Semegarnabu , Sarfachim , Rabfares , Neregel , Serefer , Rebmag , & omnes reliqui principes regis Babylonis .

4. Cumque vidisset eos Sedecias rex Iudæ , & omnes viri bellatores , fugerunt : & egressi sunt nocte de civitate per viam horti regis , & per portam , quæ erat inter duos muros , & egressi sunt ad viam deserti .

5. Persecutus est autem eos exercitus Chaldæorum : & comprehenderunt Sedeciam in campo solitudinis Ierichontinæ , & captum adduxerunt ad Nabuchodonosor regem Babylonis in Reblatha , quæ est in Terra Emath : & locutus est ad eum iudicia .

6. Et occidit rex Babylonis filios Sedeciæ

4. Reg. 25. 1. Infr. 52. 4. * Ann. M. 3414. † In cuius rei memoriam à Iudæis adhuc ieiunium annuum est observatum. * Ann. M. 3416. Ant. Chr. 588.